

# AGENDRE NDRÖFI SIBOHOU

RABU 05 JANUARI 2025

## 1. FANGOWAI BA FOGAONI

*(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).*

- Fangowai** :
- SA** : Ya'ami banua niha Keriso,ba wondrugida böröta ndröfi sibohou andre, ma'owai ami ba döi Zo'aya yaita Yesu Keriso. Ya'ahowu ndröfi sibohou....
- SATO** : Ya'ahowu ndröfi sibohou !
- SA** : Ya faofao khömi Lowalangi...
- SATO** : Ya fao Khöu Geheha-Nia
- Fogaoni** :
- SA** : Da ta owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 74**

### 74. OMUSO DÖDÖDA ME AURI ITA NA<sub>1</sub>

do = f 4/4

MM = 96 - 104

1. Omuso dödöda, me auri ita na.  
Fa ' ebuä dödö Nama, zi möi fa ' aurida.
2. Da tasuno Ia, moroi ba dödöda.  
Me no dozi oi tatema, wa' omasi-Nia.

## 2. FANGA'ARO'Ö WA'OWULO (VOTUM)

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):  
No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....
- SATO** : YADUHU
- SA** : Ufaöga hörögu, ufaigi hili andrö: Heza i'otarai fangorifigu? Fangorifigu andrö, ba i'otarai Yehowa, somböi banua si yawa, awö danö. Lö'ö sa Ibe'e mangiwa gaheu; samaigimaigi ya'ugö andrö, ba lö manuköu. Irorogö ndra'ugö Yehowa, Itimba zi lö sökhi fefu, Irorogö nosou. **HALELUYA.....**
- SA** : **Manunö** : BZ.  
**Haleluya..... Haleluya..... Haleluya.....**
- SA** : Mangandrö ita :  
He Yehowa Lowalangima, si no umbu howuhowu ba fa'omasi. Möiga khö-U mangalulu ba wangandrö saohagölö me lö si faröi Ndra'ugö khöma ba zi döfi fa'ara, irege no makhamö mböröta ndröfi sibohou andre. Lö mamalö matou'öga ba danga-U ba zi döfi fa'ara mifönama. Ma'andrö khö-U, rorogöga ba wanohugö fekolima. Fatöröga ba lala andrö khö-U, ba fahaö ndra'aga ba wango'aurifagö fa'omasi, he ba wangomasi'öma Ya'ugö, ba si manö göi ba wangomasi'öma awöma niha awö niwöwöi fefu. Ya'ugö gubaloma, samatörö ya'aga ba si lö faröi khöma ba zi döfi fa'ara mifönama, Yaduhu.. **(Mudadao zato)**

## 3. MANUNÖ moroi ba Mbuku Zinunö Numero 81

### 81. FA'ABÖLÖ<sub>1</sub>

do = d 4/4

MM = 76 - 82

1. Fa' abölö ba fonderara dödö, no utema moroi khö Yesu.

Lö mamalö irara dödögu, I ' ohe ba lala sindruhu.

Ifaudugö ba zomasi Ia, wamönökhi soguna khögu.

Famakao ba fa ' omuso dödö, fondrou' ö wamatigu.

2. Bonggi ma' ökhö fao khögu Yesu, Ibe' e khögu howuhowu.

Ihetado ba getuna horö Ifoloi ngawalö nudugu.

Ha Ya' ia Razo samatörö, Razo sirugi zi lö aetu.

Famakao ba fa' omuso dödö, möi fondrara dödögu.

#### 4. FOMBASO TAROMA LI LOWALANGI FAMÖRÖGÖ (AF)

: Da tafondrongo daroma Li Lowalangi, tehalö moroi ba zura **II Moze 20:1-17**

1. Ba iwa'ö daroma li andrö fefu Yehowa, imane:

2. Ya'odo Yehowa Lowalangi, si no mangeheta ya'ugö ba danö Miserayi andrö, ba zi no möi sawuyu ami.

3. Böi so khömö Lowalangi tánö bö'ö, baero ndra'o.

4. Böi fazökhi khöu nadu, ba he famaedo hadia ia, he si so si yawa ba mbanua, ba he si so si tou ba guli danö, ba he si so ba nidanö, barö danö.

5. Böi angalulu khönia ba böi fosumange ia, me no Lowalangi solohu ndra'o, ya'odo andre, Yehowa, Lowalangi, sanguhuku horö ndra ama ba ndraono ba ba ma'uwu mitou, khöra si fatiu tödö khögu,

6. ba si hakhösi tödö sangomasi'ö ya'o ba solo'ö oroisagu; irugi hönö nga'ötö.

7. Böi tötöi döi Lowalangi Yehowa ba waya; lö'ö sa zi lö ihuku Yehowa zanötöi töinia ba waya.

8. Ame'egö tödö luu wolombase andrö, ba we'amoni'ö ya'ia.

9. Önö ngaluo mohalöwö ndra'ugö ba öhalö halöwöu fefu.

10. Ba ero fitu bonggi, ba luu wolombase khö Lowalangi Yehowa; böi babaya hadia ia halöwö ba da'ö, he ya'ugö, ba he onou matua, ba he onou alawe, ba he sangai halöwö khöu ira matua ba he sangai halöwö khöu ira alawe, ba he uriföu, ba he si fatewu khöu ba mbanuami bakha.

11. Önö ngaluo sa mege khö Yehowa, ba wamazökhi banua si yaw~a, awö danö, awö nasi, awö nösira fefu; ba ba luu si fitu, ba no molombase ia. Andrö wa no ifahawu'ö luu si fitu andrö Yehowa, ba no i'amoni'ö.

12. Fosumange namau, awö ninau, ena'ö anau nosou ba danö, nibe'e Lowalangi Yehowa khöu.

13. Böi ange'e.

14. Böi ohorö.

15. Böi anagö.

16. Böi böböngö khö nawöu zi lö duhu.

17. Böi isö nomo nawöu. Böi isö wo'omo nawöu ba he sangai halöw~ö khönia ira matua, ba he sangai halöwö khönia ira alawe, ba he ööröbaonia, ba he kudonia, ba he hadia ia, fefu, nibayabaya nawöu.

Simanö daroma Li Lowalangi, da tatema'ö faoma sinunö: BZ.Numero 3:2

### 3 Sumange La'ohe khö-U

(lala: Masuno'ö Yehowa)

2. Sumange la'ohe khö-U, mala'ika awö niha.

Dozi ira manunö, la sunosuno Yehowa.

Lira lö mo'aetufa, götögötö wa'ara

#### 5. FANGANDRÖ FANGEFA HORÖ

SA : Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia, fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

**Mangandrö ita :**

He Yehowa, Ama khöma si so ba zorugo, ba khö Yesu Keriso sangorifi. No sebua fa'omasi Ndra'ugö khöma götögötö wa'ara. Ma'ondrasi Ndra'ugö ba nahia ni'amoni'ö, ba wangalulu ba ba wangandrö saohagölö, ba howuhowu si no falukha ndra'aga ba ndröfi si no matalu'i, ba me no Öfasao ndra'aga ba mböröta ndröfi sibohou andre. Mafaduhu'ö wa tenga si nangea ndra'aga tanö föna-Mö, me no fahöna horö si no mafalua ba ndröfi si no numalö, he ba wehedema, era'era dödöma, awö gamuatama si lö faudu ba daroma Li-Mö. Andrö möiga khö-U ba wangandrö fa'ahakhö dödö-U, ena'ö Ö'efa'ö khöma horöma andrö, si no mafalua, irege sohahau tödö ndra'aga wanohugö fekolima ba ndröfi andre si faudu ba zomasi Ndra'ugö....

- SATO** : Mangandrö ba dödö zamösana föna Lowalangi.....1 irugi 2 meniti.
- SA** : Hakhösi dödö-U khöma Ama, ba be'e aefa khöma horöma andrö ma'afefu...Yaduhu.
- SATO** : Manunö : BZ. Numero 224 : 1

**224. NA'UBINI'Ö HORÖGU KHÖ YESU**

1. Na'ibini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.

- SA** : **Turia Wangefa horö** : “Mi'aine khö-Gu, dozi serege tödö, awö zonoro, ba Ufolombase ami. Mihare'ö khömi kalo mbagi andrö khö-Gu ba mitöngöni khö-Gu, me no sebolö tödö Ndra'o ba si lö fayawa tödö, ba falukha ami wolombase dödömi. Moguna sa kalo mbagi andrö khö-Gu, ba no aoha noro andrö khö-Gu”. LAKHÖMI KHÖ LOWALANGI SI YAWA.....
- SATO** : Manunö:

**450. BA FA'ATULÖ BA GULIDANÖ**

do = d 4/4

MM = 74 – 84

1. Ba fa'atulö ba gulidanö ba niha ni'omasi 'ö andrö

**(mudadao zato)**

**6. FOMBASO TAROMA LI LOWALANGI FÖNA HUHÜO (AB)**

- : Da tafondrondrongo daroma Li Lowalangi, tehalö moroi ba zura **Yohane 1:1-9**
1. Ba mböröta so daroma li andrö, ba khö Lowalangi daroma li andrö, ba taroma li andrö, ba no Lowalangi.
  2. Khö Lowalangi so ia ba mböröta.
  3. Khönia mböröta hadia ia fefu. Sambalö lō'ö, si so, si tenga khönia mböröta.
  4. Khönia so wa'auri, ba haga ba niha wa'auri andrö.
  5. Ba humaga haga andrö, ba zogömigömi, ba lö ihalö ia sogömigömi.
  6. So niha, nifatenge Lowalangi, Yohane döinia.
  7. Da'ö zi möi mamaduhu'ö, ena'ö ifaduhu'ö haga andrö, ena'ö dozi mamati khönia.
  8. Tenga ya'ia haga andrö, ha ba wamaduhu'ö haga andrö.
  9. Möi sa'ae ba guli danö haga si ndröfi andrö, sohagaini niha fefu.

Ya'ahowu zamondrongo taroma li Lowalangi ba same'e ba dödö.

- SA+SATO** : Yaduhu

**8. FASÖMBATA**

**SA** : Iada'e tebe'e khöda ginötö ba wolohe fasömbata si sambua ni'ofulu nidönia'ö Pendeta Pengkhotbah.

**SA** Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi Medölu. Ba si föföna ua da tafondrondrongo Li Lowalangi me imane:

- ❖ Si samösa, ba oya ibe'e, ba tedoudou manö zi so khönia, ba si samösa, ba i'atalisi zi nangea ni be'e, ba tedou wa'anumanania (Amaedola 11:24)

Tafa'ema wasömbata khö Lowalangi, manunö ita moroi ba Mbuku Zinunö  
**Numero 77**

### 77. TASUNO YESU <sup>1</sup>

do = d 4/4

MM = 96 - 104

1. Tasuno Yesu So' aya, si no manolo ya' ita, ba ndröfi si numalö. Fahöna zi no tatema, buala si' oroi Nama, si no oya ngawalö. Da ta' andrö saohagölö, fao famati soroi dödö.
2. Ya' ita banua-Nia, ta' osara' ö dödöda, da tasuno Yehowa. Me no Itehegö khöda, ba wanga' i halöwöda, sagötö fekolida. Tadönadöna khö-Nia, Ibè wa' anau gölöda.
3. Ma' andrö Yesu, nönö na, Geheha si oroi Nama, sangabolö ya' aga. Me no fahöna wangala, sanabigö era' era, wanga' i halöwöma. Farou dödöma, So' aya, a' aro' ö wamatima.
4. Ato na dalifusöma sarörö ba zalio taya, börö gisö' isöra. No au' a hörö dödöra, lö manö fanötönara ba we' amöi khö Nama. Fatenge khöra Geheha, ba wohagaini tödöra.

*Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö ( irama lagu ). Fatua lö möi ira wolohe föna, ba imane Sangai Agendre:)*

“Da tafasao wasömbatada andre föna Lowalangi,.....Muzizio ita fefu.....  
Manunö ita moroi ba Mbuku Zinunö numero 261

### 261. YA'E ZUMANGE <sup>1</sup>

do = d 4/4

MM = 62 – 68

**Ira'alawe** □

1. Ya' e zu-ma-nge fa-sömbata, ma' o-he sumange Yehowa.

**Iramatua**

*Reff*: Ma'andrö khö-U fa-ho-wu'ö zu-mange ni 'o- hema khö-Mö

2. Ya'e zumange fasömbata mabe'e soroi ba dödöma.

*Reff*: Ma'andrö khö-U ....

3. Ya'e zumange fasömbata buala si'otarai Nama.

*Reff*: Ma'andrö khö-U ....

4. Ya'e zumange fasömbata, boto, noso, ba fa'aurima

*Reff*: Ma'andrö khö-U ....

5. Ya'e zumange fasömbata, lö irugi zomasi dödö-U.

*Reff*: Ma'andrö khö-U ....

6. Ya'e zumange fasömbata, ma'aohasi gölö Zo'aya.

*Reff*: Ma'andrö khö-U ....

**FANGANDRÖ** : *( Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btm ba itema'ö sangai huhuo si fao taroma Li Lowalangi si faudu ba wasömbata ni'owuloi andrö )*

- SA** : Da tafaogö dödöda ba wanuno Lowalangi faoma sinunö ni'olohesi:  
Koor ba Vokal Group
- Koor Jemaat
  - Kegiatan Kom.Perempuan
  - Kegiatan Koremda
  - Kegiatan Sektor 1
  - .....

## 10. MANUNÖ

- SA** : Da tafa'anö dödöda wamondrondrongo taroma Li Lowalangi, manunö ita moroi Ba Mbuku Zinunö **numero 163**

### 163. UHONOGÖ SIBAI DÖDÖGU

do = a, 4/4

MM = 76 – 82

- Uhonogö sibai dödögu ba wamondrondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma 'ökhö ba si 'ogötö'ö lö sa mamalö. Taroma li-Mö si möi fangabölö utema 'ö soroi ba dödö, tolo ba wolo 'ö.

## 11. HUHUAO SEBUA

- SH** : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.
- Fombaso taroma Li Lowalangi *Yeremia / Yeremia 31:10-14 (Tuho: Yehowa Zangefa'ö Banua-Nia / Tuhan yang Membebaskan Umat-Nya )*
  - Fanuriaigö
  - Nitanö ba dödö. *Yeremia / Yeremia 31:11 (Yehowa zangorifi ma'uwu Yakobo, I'efa'ö ba danga zabölö moroi khöra. / Sebab Tuhan telah membebaskan Yakub, telah menebusnya dari tangan orang yang lebih kuat dari padanya.)*
  - Fangandrö Fanga'aro'ö huhuo

- SATO** : Manunö : BZ. Numero 154 : 1

### 154. NO MAFONDRONDRONGO LIU

- No mafondrondrongo li-U, Lowalangi So ' aya.  
Tanö ba dödöma ia, fa böi olifuga.  
Fahowu 'ö ia khöma, ena ' ö ohahau dödöma fefu.  
Heta ba dödö zi lö sökhi, ma'o ' ö niwa 'ö-U.

## 12. TUHO WAMATI

- SA** : Me notarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

- SA+SATO** :
- ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
  - ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
  - ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

## 13. ANGOMBAKHATA BA MBANUA NIHA KERISO

SA : Da tafondrondrongo gangombakhata:.....

SA : **Famalua Halöwö Femanga gö Ni'amoni'ö**

MANUNÖ

SA : Manunö ita moroi ba Mbuku Zinunö **numero: 211 ayati 1-2**

## 211. AHONO AE DÖDÖGU 1

do = f 4/4

MM = 88 - 96

1. Ahono ae dödögu, ba danga-Mö Yesu.  
Börö wa ' omasi-Mö, ohahau dödögu.  
fanunö ma-la ' ika, da ' ö nironogogu.  
Soroi zorugo ya'wa, omuso dödögu.  
Ahono ae dödögu, ba danga-Mö Yesu.  
Börö wa ' omasi-Mö, ohahau dödögu.
2. Ahono ae dödögu ba danga-Mö Yesu.  
He na so wandraigö lö fa' ata' ugu.  
Fefu gabula dödö, fa' aombö dödögu.  
He göi fangaröngarö Itayaigö fefu.  
*Reff*: Ahono ae dödögu, ...

## 14. FANGANDRÖ SALAHI + FAMATENGE + HOWUHOWU

SH : Muzizio ita fefu, mangandö ita :.....(totohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatorö banua-U, ba sokhö fa'abölö, awö lakhömi, irugi zi lö aetu. Yaduhu

SH : FAMATENGE + HOWUHOWU :  
Mi'angawuli si fao fa'ohahau dödö, ya tobali ami sura Keriso, samaduhu'ö Ya'Ia ba Lala wa'aurimi sero ma'ökhö, ba mitema (tatema) howuhowu Lowalangi :  
❖ Ya mufahowu'ö ami/ita Lowalangi, Ya murorogö ami/ita  
❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda  
❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero **211 ayati 3**

## 211. AHONO AE DÖDÖGU 1

do = f 4/4

MM = 88 - 96

3. Yesu we' ewe' egu no möi salahigu.  
Si lö tebulö Ia, aro wamatigu.  
Ba wombaloï So' aya, utaha dödögu.  
Na irugi inötö wangawuli Yesu.  
*Reff*: Ahono ae dödögu, ...

SH : Ya'ahowu

SATO : Ya'ahowu